

成
方
切
用

吳氏醫學述第四種成方切用目錄

卷八上

潤燥門

正方二十八
附方七

麥門冬湯

炙甘草湯

清燥救肺湯

通幽湯

當歸潤肺湯

濟川煎

潤腸丸

活血潤燥丸
燥湯又潤腸丸

決津

煎

韭汁牛乳飲

活血潤燥生津湯

甘露飲

桂苓甘露飲
小甘露飲

消渴方

地黃引子

治久嗽方

瓊玉膏

麻仁蘇子粥

桑白皮等汁十味煎

滋燥養營湯

白茯苓丸

文蛤散

黃耆湯

宣明黃耆湯

宣明麥門冬飲子

易老門冬飲

子

豬膏湯

豬膏金銀花酒

豬膏髮煎

人參白虎湯

方見

瀉火門

竹葉石膏湯

方見瀉火門

甘麥大棗湯

吳氏醫學述第四種

門人周蘭九生庭

武原吳儀洛遵程輯

男

有榆蒼培同較
有杜雋望

成方切用

潤燥門

內經病機一十九條獨遺燥氣。他凡

隨文作解。弗察其說。類喻嘉言特爲正之。大意謂春傷於風。夏傷於暑。長夏傷於溼。秋傷於燥。冬傷於寒。覺六氣配四時之旨。與五運不相背戾。而千古之大疑。始一抉也。夫燥金所傷。本推肝木。甚則白戕肺金。蓋肺金主氣。而治節行焉。此惟土生之金。堅剛不撓。故能

生殺自由。絀綱不紊。若病起於秋而傷其燥。金受火刑。化剛爲柔。方圓且隨型埴。欲仍清肅之舊。其可得耶。經謂欬不止而出白血者。死。白血謂色淺血而似肉似肺者。非肺金自削。何以有此。試觀草木菁英可掬。一乘金氣忽焉改容。焦其上首而燥氣先傷。上焦華蓋豈不明耶。詳此則病機之諸氣。贖鬱皆屬於肺。諸痿喘嘔皆屬於上。一條明指燥病言矣。生氣通天論。秋傷於燥。上逆而欬。發爲痿厥。燥病之要。一言而終。與病機二條。適相脗合矣。要知肺氣不燥。則諸氣稟清肅之令。而週身四達。亦何致贖鬱耶。諸痿喘嘔之屬於上者。上亦指肺。不指心也。若絀上焦心肺並言。則心病不主痿喘及嘔也。惟肺燥甚。則肺葉痿而不用。肺氣逆而喘。鳴食難過。膈而嘔。出三者皆燥證之極者也。經文原有逆秋氣。則太陰不收。肺氣焦滿之文。其可稱爲淫病乎。其左脇脇痛不能轉側。乾乾面塵。身無膏澤。

足外反熱。腰膝痠。筋攣。丈夫癰疽。婦人少腹。痛。目眦青。諸則燥病之本。於肝而散。見不一者也。肝臟見燥證。固當急救肝葉。勿令焦損。然清其肺。金除其燥。本尤為先務。若肺全自病。不及於肝。即顧力救肺。焦枯且恐。立至。尚可分功。緩圖乎。

麥門冬湯

治金

治火氣上逆咽喉不利

麥門冬

升七

半夏

升一

人參

兩三

甘草

兩二

大棗

枚十二

粳

米

合三

水

一斗二升

煮六升

服一升

日三夜一

喻嘉言曰。此胃中津液乾枯。虛火上炎之證。用

寒涼藥而火反升。徒知與火相爭。知母貝母屢

施不應。不知胃者肺之母氣也。仲景於麥冬人

參粳米甘草大補中氣大生津液隊中增入半
夏之辛溫一味用以利咽下氣此非半夏之功
實善用半夏之功擅古今未有之奇矣

炙甘草湯仲景治傷寒脈結代心動悸及肺痿咳

唾多心中溫溫液液者脈動而中止能自還者

血虛其不能相續也心中動悸真氣內虛也肺痿渴唾多者以胃中之津液上供悉從燥熱化

為涎沫也寶鑑用治呃逆

甘草炙四兩生薑桂枝人參阿膠蛤粉炒

生地黃助麥冬去心麻仁研半大棗十二枚水酒

各半煎內阿膠烱化服

人參麥冬甘草大棗益中氣而復脈生地阿膠
助營血而寧心麻仁潤滑以緩脾胃薑桂辛溫
以散餘邪加清酒以助藥力也聖濟經云津液
散爲枯五臟痿弱營衛涸流溼劑所以潤之麻
仁阿膠麥冬地黃之甘潤經益血復脈通陽也

喻嘉言曰此仲景傷寒門中之聖方也千金翼
用治虛勞外臺用治肺痿究竟本方所治亦何
止二病哉外臺所取在於益肺氣之虛潤肺金
之燥至於桂枝辛熱似有不宣不知桂枝能通
營衛致津液則肺氣能轉輸涎沫以漸而下尤
爲要緊所以云治心中溫溫液液也玉機微義

日肺痿如咳久聲啞聲嘶咯血此屬陰虛火熱甚也吐涎沫而不欬不渴必遺尿小便數以上虛不能制下此肺中冷也必眩多涎唾用炙甘草乾薑湯以溫之肺痿涎唾多心中溫溫液者用炙甘草湯此補虛勞也與補陰虛火熱不同故肺痿有寒熱之異

清燥救肺湯

治諸氣膹鬱諸痿喘嘔

二桑葉

經霜者得金氣而柔順不刺取之為君去枝梗三錢

石膏

清肺熱二錢半煨

甘草

和胃生金一錢

人參

生胃之津肺之氣七分

胡麻

仁炒研一錢

真阿膠

八分

麥門冬

去心一分

杏仁

炮去皮黃

枇杷葉

一片刷去毛蜜炙黃

水一碗

煎六分頻頻

滾熱服痰多加貝母瓜蒌血枯加生地黃熱甚

加增石膏

喻嘉言曰諸氣膈鬱之屬於肺者屬於肺之燥也而古今治氣鬱之方用辛香行氣絕無一方治肺之燥者諸痿喘嘔之屬於上者亦屬於肺之燥也而古今治法以痿嘔屬陽明以喘屬肺是則嘔與痿屬之中下而唯喘屬之上矣所以千百方中亦無一方及於肺之燥也卽喘之屬於肺者非表卽下非行氣卽瀉氣間有一二用潤劑者又不得其肯綮總之內經六氣脫誤秋

傷於燥一氣指長夏之溼爲秋之燥後人不敢更端其說置此一氣於不理卽或明知理燥而用藥夾雜如弋獲飛蟲茫無定法示人也今擬此方名清燥救肺湯大約以胃氣爲主胃土爲肺金之母也其天門冬雖能保肺然味苦而氣滯恐反傷胃阻痰故不用也其知母能滋腎水清肺金亦以苦而不用其他苦寒降火傷胃之藥尤在所忌蓋肺金自至於燥所存陰氣不過一綫爾儻更以苦寒下其氣傷其胃其人尙有

生理乎誠倣此增損以救肺燥變生諸證如沃

焦救焚不厭其頻庶克有濟爾

通幽湯

東垣

治幽門不通上衝吸門噎塞不開氣

不得下大便艱難名曰下脘不通治在幽門

下脘

即幽門胃之下口也人身上下有七門皆下衝上也幽門上衝吸門吸門即會厭氣喉上掩飲食者也衝其吸入之氣不得下歸肝腎為陰火所拒故隔噎不通濁陰不得下降而大便秘燥不行胃之滯與陰火俱在其中則腹脹作矣治在幽門使幽門通利泄其陰火潤其燥血生其新血則幽門通吸門亦不受邪腑噎得開脹滿俱去矣是濁陰得下歸地也

當歸身

升麻

桃仁

研

紅花

甘草

炙

原生

地 原熟地 或加檳榔

當歸二地滋陰以養血桃仁紅花潤燥而行血

檳榔下墜而破氣滯加升麻者天地之運能升

而後能降清陽不升則濁陰不降經所謂地氣

上為雲天氣下為雨也李東垣曰腎開竅於二

少陰夫腎主五液津液足則大便如常若饑飽

勞役損傷胃氣及食辛熱味厚之物而助火邪

火伏血中耗散真陰津液虧少故大便燥結少

陰不得大便秘以辛潤之太陰不得大便秘以苦泄

之傷食者以苦泄之血燥者以桃仁酒製大黃

通之風燥者以麻仁加大黃利之氣塞者郁李

仁杏仁皂角仁潤之不可藥用牽牛巴豆之類

下之損其津液暫得通快燥結愈甚遂成不救

加大黃麻仁名當歸潤腸湯治同

濟川煎 凡病涉虛損而大便閉結不通則硝黃

攻擊等劑必不可用若勢有不得不通者宜此

主之此用通於補之劑也

當歸錢三五牛膝錢二肉苁蓉酒洗去鹹二三錢澤瀉一錢五分

升麻或五七分枳殼一錢虛甚者不可用如氣虛加人參

無妨碍 如有火加黃芩 腎虛加熟地

潤腸丸東垣治腸胃有伏火大便秘濇全不思食

風結血結或風結即風痰由風搏肺臟傳於大腸或素有風病者亦多痰氣由氣不

升降血。由山血虛。津液不足。熱秘。由大腸
熱結。冷秘。由冷氣橫於腸胃。凝陰固結。津液不
通。非燥糞也。仲景曰。脈浮而數。能食不大便者。
此為實。名曰陽結。脈沉而遲。不能食。身體重。大
便反鞭。名曰陰結。李東垣曰。實秘。熱秘。即陽
結也。宜散之。虛秘。冷秘。即陰結也。宜溫之。

大黃

歸尾

羌活

五桃仁

研

大麻仁

去殼

蜜丸一方有防風風溼加秦艽皂角子

燒存性用

歸尾桃仁潤燥活血羌活搜風散邪大黃破結

通幽麻仁滑腸利竅血和風疏腸胃得潤則自

然通利矣

朱丹溪曰。古方通大便。皆用降氣品。劑蓋肺氣不降。則難傳送。周枳殼沉

香訶子杏仁等是也。又老人虛人風人。津液少而秘者。宜滑之。用胡麻麻仁阿膠等。是也。如按

以峻藥逐之。則精液走。氣血耗。雖暫通而卽秘矣。必變生他證。

加防風皂角仁蜜丸名活血潤燥丸治同

皂角得淫

則滑。淫滑則燥結自除。

去羌活加升麻紅花生熟二地名

潤燥湯

俱東垣方

治同大黃煨熟當歸酒浸枳實炒

等分蜜丸亦名潤腸丸治痔病肛門燥澀

決津煎

治婦人血虛經滯不能流暢而痛極者

當以水濟水若江河一決而積垢皆去宜用此

湯隨證加減主之此用補爲瀉之神劑也

當歸

三五錢或一兩

澤瀉

一錢五分

肉桂

一二錢

熟地

二三錢或五七

錢或不
用亦可

烏藥

錢

如嘔惡者加焦薑一二錢

如陰滯不行者非加附子不可

如氣滯而痛

脹者加香附一二錢或木香七八分

如血滯

血滯者加酒炒紅花一二錢

如小腹不煖而

痛極者加吳茱萸七八分

如大便結滯者加

肉苁蓉三錢或鎖陽亦可煮粥彌佳

如氣虛

者宜少用澤瀉烏藥之類甚者不用亦可

韭汁牛乳飲

丹

治

胃脘有死血乾燥枯槁食下

作痛翻胃便

秘

多胃脘有死血者嗜酒食老躁暴
怒積久而成痰熱也枯槁者

血聚則肝氣燥。燥熱故槁也。瘀血阻滯。故食下作痛。翻胃而吐出也。瘀血不去。則新血不生。故腸枯而使秘。膈噎翻胃。多因氣血兩虛。胃脘痞胃冷。而或飲食不下。偏在吸門。即喉間之會。漲也。食下而食不下。偏在食門。胃之上口也。此「焦名噎」。食下良久吐出。偏在幽門。胃之下口也。此「焦名隔」。朝食暮吐。偏在關門。小腸下口也。此「焦名翻胃」。又有寒痰瘀血食積。壅塞胃口者。或補或消。或潤。宜隨病施治。

韭菜汁 牛乳 等分 時時呷之 有痰阻者加

薑汁 一方 去牛乳 加陳酒 治血膈尤捷

韭汁 辛溫 益胃消痰 牛乳 甘平 潤燥養血 瘀去

則胃無阻 血潤則大腸通而食得下矣

治噎膈 諸藥非

汁散。參、竹、瀝、薑汁消痰。重使降火。人乳、牛乳潤燥。補血。蘆根汁止嘔。或加燒酒、米醋、白蜜和胃。李薺消食。鹽、豉、或加燒酒、米醋、白蜜和諸汁。頓服。亦包。不升。候日。反胃。暗膈。大便秘結。宜牛羊乳。時時飲之。兼服四物湯。為上策。不可服人乳。人乳有五。味之。毒。七情之。火。也。按噎膈不通。服香燥藥。取快一時。破氣而燥血。是速其死也。不如少服藥。飲牛乳。加韭汁。或薑汁。或陳酒為佳。

活血潤燥生津湯

丹溪

治內燥津液枯少

當歸 白芍

熟地黃

錢一

天冬

麥冬

桔槩

八分 桃仁

研

紅花

五分

歸芍地黃滋陰養血枯槩二冬潤燥生津桃仁

紅花活血去瘀凡陰虛血燥而兼瘀滯者此方最宜

甘露飲

治胸中客熱牙宣口氣齒齦腫爛時出

膿血吐血衄血目瞼垂重常欲合閉或卽饑煩不欲食飲及目赤腫痛不任涼藥口舌生瘡咽喉腫痛瘡疹已發皆可服之又治脾胃受溼熱在裏或醉飽房勞溼熱相搏致生疸病身目皆黃肢體微腫胸滿氣短大便不調小便黃澀或時身熱

生地 熟地 天冬 麥冬 石斛 茵陳
黃芩 枳殼 枇杷葉 甘草 一方加桂苓

名桂苓甘露飲

此方創自潔古老人朱丹溪以爲此心肺胃三經藥也主治胸中客熱口臭齒爛心煩咽痛等證許學士又去麥冬加犀角主治與上略同別如眼赤并一切瘡瘍已散未散皆可治之然小甘露飲去熟地者以手陽明胃與腎無相關之勢故加桔梗使與裏合治胃則以腎爲關故加

熟地二冬也

按此方以固本丸為主而加入他藥原因胃中溼熱下流歸坎則水

源濁泛故見證如此而當日立方之意實從救腎起見清胃者自清胃而救原者自救原丹溪止言心肺胃猶未是全論高氏每於肝經有鬱火者加丹皮山梔去石斛甘草批杷葉亦無不應驗則知水木同源之義若原有胃火而又挾肝木之勢者竟以原方加丹皮山梔等味亦無不效也丹溪言肺最妙然必須列證中有大便乾燥纔合手足陽明兩經之藥爾至一變而為小甘露去枇杷葉熟地二冬枳殼而加升麻桔梗施子則手陽明實證通治之義全見矣火盛渴甚者加知母走馬疳而急者加石膏黃連火蝕既久元氣虛者加人參真胃中燥火之神劑也。

附小甘露飲山梔黃芩生地升麻桔梗茵陳石

斛甘草治脾勞實熱身體面目悉黃舌乾咽燥

齒痛

消渴方

漢丹

治渴證胃熱善消水穀

上消肺熱也

多食善饑為中消胃熱也渴而小便數有膏為下消腎熱也皆火盛而水衰也經曰二陽結謂之消二陽者陽明也手陽明大腸主津病消則日黃口乾是津不足也足陽明胃主血熱則消穀善饑是血中伏火血不足也示傳能食者必發臌疽背癰不能食者必傳中滿鼓脹皆不治之證氣分渴者喜飲冷水宜寒涼滲劑以清其熱血分渴者喜飲熱水宜甘溫酸劑以滋其陰上經中重下危如上下中平則不傳下腎消小便便甜者為重水生於甘而死於鹹小便本鹹而反甘是生氣泄脾氣下陷入腎中為土尅水也多死

黃連 天花粉 生地汁 藕汁 牛乳 將

黃連花粉為末調服或加薑汁蜂蜜為膏噙化

地黃引子

簡易

治消渴煩躁咽乾面赤

腎火上炎

人參 黃耆蜜炙 甘草炙 生地黃 熟地黃 天

冬 麥冬 枇杷葉蜜炙 石斛 澤瀉 枳殼麸炒

此方生津補血潤燥止渴佐以澤瀉枳殼疏導

二腑澤瀉瀉膀胱之火使小腑清利則心火下

降心與小腸相為表裏經日大腑流暢則肺經

潤澤肺與大腸相為表裏宿熱既除其渴自止矣喻嘉言曰人參

白虎湯專治氣分燥熱。此湯額治血分燥熱。竹葉黃耆湯兼治氣血燥熱。玄辨證而擇用之。附竹葉黃耆湯淡竹葉生地黃各二錢。當歸川芎芍藥麥冬黃芩炒人參黃耆甘草半夏石膏煨各一錢。治消渴氣血兩虛。兼有胃火者。

治久嗽方

金千潤肺散寒
白蜜滑能潤肺。生薑辛能散寒。

白蜜

生薑二觔

先秤銅銚知觔兩訖納蜜

薑汁微火熬令薑汁盡唯有蜜觔兩在則止每

含如棗大一丸日三服

朱丹溪曰陰分嗽者多屬陰虛。治用知母止嗽。

勿用生薑以其辛散故也。宋洪邁有痰疾晚對上諭以胡桃三枚薑三片臥時嚼服即飲湯復嚼薑桃如前數劑必愈。遵如青服且而痰消咳止亦與此方同意。

瓊玉膏

申先生

治乾咳嗽

有聲無痰謂之乾咳緣肺腎津枯所致若火鬱

其痰而乾咳者當用升發之藥如逍遙散之類隨用滋陰之劑收功

地黃

四兩

茯苓

十二兩

人參

六兩

白蜜

二兩

先將地黃

熬汁去渣入蜜煉稠再將參苓末和入磁罐封

水煮半日白湯化服臞仙加琥珀沉香

各五錢

地黃滋陰生水水能制火白蜜甘涼性潤潤能

去燥氣為水母土為金母故用參苓補土生金

蓋人參益肺氣而瀉火茯苓清肺熱而生津也

淫熱去則津生

麻仁蘇子粥

本事方

治老人風祕

許叔微曰一婦年八十四忽腹

痛頭痛惡心不食醫皆議補脾治風清利頭目服藥雖愈全不進食其家憂惶予辨前藥皆誤此是老人風祕臟腑壅滯聚於胸中則腹脹惡心不思飲食上至於巔則頭痛不清也令作此粥兩啜而氣泄下結糞如椒者及產後大便不通十餘枚漸得通利不藥而愈矣及產後大便不通多汗則大便不通故難於用藥。

大麻仁

紫蘇子

等分洗淨合研再用水研

取汁煮粥

麻仁陽明正藥滑腸潤燥利便除風蘇子兼走太陰潤肺通腸和血下氣行而不峻緩而能通

故老人產婦氣血不虛者所宜用也

桑白皮等汁十味煎

許仁則

治氣嗽經久將成肺

痿乍寒乍熱唾涕稠黏喘息氣上唇口焦乾亦有唾血者漸覺瘦悴小便赤少色敗毛聾此亦成蒸及久嗽成肺癰唾悉成膿出無多少

桑白皮升一地骨皮

三升二味合煎取汁三升

生地汁

五升生麥

冬汁升二生葛根汁

竹瀝

升三

生薑汁

白蜜

棗膏

升一牛酥合三

以麥冬生地葛根竹瀝薑汁

和煎減半再內桑皮地骨汁和煎三分減一再

入酥蜜棗膏攪勿停手煎如飴糖夜臥時取一
胡桃大含之稍加至鷄子大或盡日丸服亦得
桑皮瀉肺行水麥冬補肺生津地骨退熱除蒸
竹瀝清痰通絡能除痰迷之生薑祛寒而溫胃
棗膏補土以生金地汁葛汁甘寒以除大熱白
蜜牛酥甘潤以止久嗽也

滋燥養營湯

治火燥肺金血虛外燥皮膚皴揭

筋急爪枯或大便風

肺主皮毛肝主筋爪肺主皮毛肝主筋爪肺主皮毛肝主筋爪

故外見皮毛枯槁肌膚燥

積內有筋急便秘之證

當歸酒洗二錢 生地黃 熟地黃 芍藥炒 黃芩炒

秦艽錢一 防風 甘草分五

前證為血虛而水涸當歸潤燥養血為君二地
滋腎水而補肝芍藥瀉肝火而益血為臣黃芩
清燥肺之火而退陽艽防散肝膽之風而不燥
風藥多燥尤防味辛能潤又秦艽能養血榮筋防風乃血藥
之使吐血血崩皆用為使甘草甘平瀉火入潤劑則補陰
血為佐使也

白茯苓丸 治腎消因中消之後胃熱入腎消燥

腎脂令腎枯燥遂致此疾兩腿漸細腰腳無力

腎消即下消乃上消中消之傳變飲一溲二溲

如膏油王註曰肺主氣氣無病則氣能管束津

液其精微者榮養筋骨血脈餘者為溲肺病則

津液無氣管攝而精微者亦隨溲下如膏油也

茯苓 黃連 花粉 革薺 熟地黃 覆盆

子 人參 元參 蛇牀子 雞胫脰

雞胫皮三錢 十具微炒 石斛五分 蜜丸 磁石湯送下

茯苓降心火而交肺腎連清脾火而瀉心石斛

平胃熱而瀉腎熱地元參生腎水覆盆蛇牀固

腎精人參補氣花粉生津革薺清熱利溼胫脰

固

固

固

固

固

鷄之脾也能消水穀通小腸膀胱而止便數善

治膈消磁石色黑入腎補腎益精故加之以爲

使也喻嘉言曰友人病消渴後渴少止反加躁

病而以黃連犀角治心母乃倒乎予曰腎者胃

之關也胃熱下傳於腎則關門大開心之陽火

得以直降於腎心火灼腎躁不能需子用犀角

黃連對治其下。降之。陽光寧爲倒乎服之果効

再用六味地黃丸加

犀角而肌澤病起矣。

文蛤散 本文云渴欲飲水不止者文蛤散主之

文蛤一味杵爲散以沸湯五合和服方寸匙

金匱於小溲微覺不利蚤用文蛤一味治之方

書從不錄用詎知軟堅之品非劫陰卽傷陰獨
此一種平善無過兼可利水誠足寶乎按傷寒
論用此治悞以水喫人面肌膚粟起之表證今
消渴裏證亦用之蓋取其功擅軟堅且利水徹
熱爾

黃耆湯

方本

治心中煩躁不生津液不思飲食

黃耆

熟地黃

芍藥

五味子

麥冬

天

冬

人參

甘草

茯苓

加薑棗

烏梅煎

黃耆人參補氣熟地芍藥補血烏梅五味斂耗

生津天冬麥冬瀉火補水茯苓淡以利溼甘草
甘以和中溼去氣運則脾和而思食津生而燥
退矣

宣明黃耆湯 治心移寒於肺爲肺消飲少洩多

當補肺平心

黃耆兩五五味子 人參 麥門冬 桑白皮兩二

枸杞子 熟地黃兩半 爲末每服五錢

宣明麥門冬飲子 治心移熱於肺傳爲膈消胸

滿心煩精神短少

人參 扶神 麥門冬 五味子 生地黃

甘草 炙 知母 葛根 栝蒌根 等分 咬咀 每服

五錢加竹葉十四片

喻嘉言曰宣明二方爲內經心移寒移熱兩證各出其治一種苦心非不可嘉然移寒移熱其勢頗銳而生精養血其應差緩情非的對易老門冬飲子亦然予謂心之移寒必先束肺之外郭用參耆補肺加散寒之藥可也而用枸杞熟地黃補腎則迂矣用桑白皮瀉肺其如外束之

寒何至心之移熱治以鹹寒先入其心如文蛤散之類自無熱可移正直走大梁解圍之上着何不及之所以觀於海者難爲水也。

易老門冬飲子

治老弱虛人大渴

人參 枸杞子

白茯苓

甘草

五味子

麥門冬

加薑煎

喻嘉言曰按易老方卽變宣明麥冬飲子去生地知母葛根加枸杞也方下不言心移熱於肺唯以治老弱虛人大渴而增枸杞之潤去地黃

之泥知母之苦葛根之發立方於無過治本之圖不爲迂矣

豬膏湯

治過勞四肢筋液耗竭數數轉筋爪甲

皆痛不能久立名曰筋極

肝主筋筋極六極之一也經曰陽氣者精

則養神柔則養筋筋骨過勞耗其津液不能榮養故動急而筋數轉也爪甲者筋之餘筋屬木猶木枯則枝葉皆萎也不能久立筋衰不能束骨也

豬脂

薑汁

升二酒合五

先將豬脂薑汁熬取三

升再入酒分三服

津竭筋枯非草木之藥卒能責効豬脂潤能養

筋薑汁辛能潤燥酒和血而性善行取易達於四肢也

除薑汁加金銀花煮酒飲治瘡疥最良

豬膏髮煎

金匱

治諸黃令病從小便出

豬膏

半斤

亂髮

如鷄子大三枚

二味和煎髮消藥成分

再服

徐忠可曰此爲黃疸之穀氣實者設也腎爲胃關胃家穀氣實則氣閉而腎燥故以豬膏潤腎燥髮灰利陰血則胃燥和而鬱解仲景於婦人

胃氣下泄陰吹而正結者亦用此方註曰此穀氣之實也以豬膏髮煎導之乃利陽明之陰以洩穀氣之實也然此之穀氣實又非穀疸之比蓋穀疸原由風寒不能消穀此則真穀氣過實熱而閉爾予友駱天游黃疸腹大如鼓百藥不效用豬膏四兩髮灰四兩一劑而愈仲景豈欺我哉

人參白虎湯

原治太陽中暈汗出惡寒身熱而

渴

竹葉石膏湯 治虛煩燥渴

以上二方俱見下卷瀉火門

喻嘉言曰按此二方治火熱傷其肺胃清熱救渴之良劑也故消渴病之在上焦者必取用之東垣以治膈消潔古以治能食而渴者其不能食而渴者用錢氏白朮散倍加葛根而東垣論消渴末傳能食者必發腦疽背疽其不能食者必成中滿鼓脹一變其方爲蘭香引子用石膏知母生熟甘草人參加入蘭香防風白芷薏仁

連翹桔梗升麻半夏再變其方爲生津甘露飲
子用石膏人參生熟甘草知母加黃藥杏仁山
梔華澄茄白葵白豆蔻白芷連翹薑黃麥門冬
蘭香當歸身桔梗升麻黃連木香柴胡藿香全
蠍而爲之辭曰此制之緩也不惟不成中滿亦
不傳下消矣三消皆可用予實不敢信其然也
乃至三因之石子薺芩湯潔古之清涼飲子俱
從此方增入他藥引入他臟全失急救肺胃之
意此後賢之所以爲後賢耶

甘麥大棗湯

金匱

治婦人臟燥悲傷欲哭象如神

靈所作數欠伸

亦補脾氣

婦人血室先受積冷而鬱久為熱則臟為

之燥。靈樞曰一陰主關。關之闔折則肝氣絕而
喜悲則知燥氣乘肝為悲傷欲哭象如神靈所
作病從血來故見陰象也。靈樞曰胃病善伸數
欠顏黑則知燥氣侵胃為欠伸。但使肝氣津潤
君火不亢則臟陰不燥何致乘肝侵胃。今令悲
傷欠伸其肝陰之熱可知。心肺之熱亦可知。故

以甘麥大
棗湯主之。

甘草

三

小麥

一升

大棗

十枚

以水六升煮取三升

分溫三服

小麥能和肝陰之客熱而養心液且有消煩利

方之妙用 卷之二
三
洩止汗之功。故以爲君。甘草瀉心火而和胃生金。故以爲臣。大棗調胃而通津液。利其上壅之燥。故以爲佐。蓋病本於血。心爲血主。肝之子也。心火瀉而土氣和。則胃氣下達。肝臟潤肺氣調。則燥止而病自除也。

吳氏醫學述第四種成方切用目錄

卷八下

瀉火門

正方五十四
附方四十七

黃連解毒湯

三黃金花丸
三黃連

梔子金花丸
三補丸

梔子大金丹

皮湯

三黃連

附子瀉心湯

大黃黃連

半夏瀉心

湯

生薑瀉心湯

白虎湯

人參白虎湯
桂枝白虎湯
白虎加蒼

斑湯

柴胡

竹葉石膏湯

又竹葉

白頭翁湯
甘桔

湯

甘草湯

甘桔防風湯

如聖湯

訶子保陰

煎

滋腎丸

療腎滋本丸

黃檗滋腎

升陽散火

湯火鬱湯 升陽散火湯 節菴抽薪飲 徒薪飲 龍膽瀉肝

湯東垣龍膽瀉肝湯 又龍膽瀉肝湯清流飲 涼膈散方見祛風門當

歸龍薈丸 化陰煎 瀉青丸方見祛風門人參瀉肺

湯 瀉白散黃芩一物湯 寶鑑加減瀉白散 東垣加減瀉白散 謙甫

加減瀉白散利膈散 化肝煎 導赤散 清胃散活

散天門冬散 玉女煎 瀉黃散又瀉黃散地黃煎

左金丸又茱蓮丸 戊巳丸 連附約陰丸 導

赤各半湯 消毒犀角飲 蓮子清心飲 服蠶

煎 普濟消毒飲 約營煎 紫雪 碧雪 人

參清肌散

人參散

白朮除溼湯

石膏散

玉泉散

清骨散

二母散

元參升麻湯

陽毒升麻湯

消斑

青黛飲

蒼耳散

辛夷散

玉屑無憂散

腎

熱湯

綠豆飲

香連丸

黃連丸

雪梨漿

大清飲

吳氏醫學述第四種

武原吳儀洛遵程輯

男

有榆蒼培同較
有杜雋望

門人周蘭九生庭

成方切用

瀉火門

內經至真要大論所列病機凡言火者五言熱者四似皆謂之火也然諸

病之見於諸篇者復有此言熱而彼言寒此言實而彼言虛者豈果本經之自矛盾耶蓋諸篇所言在專悉病情故必詳必盡本篇所言亦不過總言五運六氣之大約原非確指為實火實熱也故於篇末復以有無虛實四字總結於後此軒岐之明見萬世正恐後人

誤以火熱二字悉認爲真。因而曉示如此。此其火有虛實。熱有真假。從可知矣。蓋火得其正。卽爲陽氣。此火之不可無。亦不可衰。衰則陽氣之虛也。火失其正。是爲邪熱。此火之不可有。尤不可甚。甚則真陰傷敗也。然陽以元氣言。火以病氣言。故凡病在元氣者。不得以火論。何也。蓋人之元氣。止於充足。焉得有餘。卽此是也。惟病在形體者。乃可以察火證。蓋其不在氣。卽在血。所謂有形者。其化實卽此是也。故凡火之爲病。其在外者。必見於皮肉筋骨。其在內者。必見於臟腑九竅。如果有熱證。可據。則火性急烈。誠可畏也。然實火止隨形質。因謂之凡火。又謂之邪火。不過病之標爾。洗之滌之。又何難哉。惟虛火則本於元氣之虛。而再攻其火。非挺卽刃矣。是以諸病之殺人。而尤惟火病爲最者。正以凡火未必殺人。而以虛作實。則無不殺之矣。爲火諸藥。

黃連梔子瀉心肝大腸之火。山梔仁降火從
小便出。其性能屈曲下行。石膏瀉陽胃之火。
陽明經有實熱者。非此不可。黃芩清脾肺火。
腸之火。黃檗瀉肝腎諸經之火。知母清肺胃
肝腎之火。地骨皮退陰中之火。善除骨蒸夜
熱。生地麥門冬。清肝肺。涼血中之火。天門冬
瀉肺大腸之火。桑皮瓜蒌梨汁。貝母解上焦
痰逆之火。柴胡乾葛解肝脾諸經之鬱火。龍
膽草瀉肝腎膀胱之火。槐花清肝腎大腸之
火。能解諸毒。芍藥石斛清肝胃之火。天花粉
清痰止渴。解上焦之火。連翹瀉諸經之火。浮火
元參清上焦之浮火。山豆根解咽喉之火。膽
星開心脾胃脫之痰火。青黛蘆薈胡黃連瀉
五臟之疳熱鬱火。苦參瀉疳蝕之火。木通下
行瀉小腸之火。滑石利小腸膀胱之火。澤瀉
車前子利癰閉之火。人中白清肝脾腎之陰
火。童便降陰中血分之浮火。大黃朴硝瀉陽
明諸經實熱之火。人參黃耆白朮甘草除氣

黃連解毒湯

氏治劉護軍又云其自製者

治

一切火熱表裏俱盛狂躁煩心邪入於陽則狂

煩躁則煩口燥咽乾火盛大熱乾嘔熱毒錯語

不眠正熱盛亦令人錯語若祕而錯語者宜承

氣湯通而錯語者吐血衄血傷寒吐衄血者常

也上行熱甚發以熱毒入胃

黃連 黃芩 黃檗 梔子 等分

三焦積熱邪火妄行故用黃芩瀉肺火於上焦

黃連瀉脾火於中焦

王海藏曰黃連瀉心實瀉脾也子能令母實實則瀉

其黃檗瀉腎火於下焦梔子通瀉三焦之火從

膀胱出蓋陽盛則陰衰故用大苦大寒兼三焦

而統治之瀉其亢甚之火而救其欲絕之水也

然非實熱不可輕投

劉河間曰傷寒表熱極甚身痛頭痛不可忍或眩或

嘔裏有微熱不可發汗吐下擬以小柴胡天水

涼膈之類和解恐不能退其熱勢之甚或大下

後再三下後熱勢尚甚本氣損虛而脈不能實

擬更下之恐脫而立死不下亦熱極而死或溼

熱內盛小便赤澀大便澀泄頻併少而

急痛者必欲作利也竝宜黃連解毒湯

水丸名三黃金花丸治中外諸熱寢汗齧牙夢

語驚悸吐衄淋祕勞嗽骨蒸加大黃名梔子金

花丸去梔子加大黃名大金花丸治略同去梔

子名槩皮湯治三焦實熱用粥丸名三補丸治

三焦有火噤燥喉乾二便閉結及溼痰夜熱日

壯火食氣少火生氣故少火宜升壯火宜降今

以黃芩瀉上黃連瀉中黃檉瀉下則壯火降而

少火升氣得生而血得養三焦皆受益矣去芩連加甘草名梔子槩

皮湯仲景治傷寒發黃身熱發黃為胃有熱熱宜下之今發熱則熱已外用而不復內入矣故不唯不必下并不必發汗利小便但用梔子清肌表黃檉瀉膀胱以去

其溼熱。按傷寒發黃。有在太陽膀胱者。與陽明瘀熱在胃者不同。故仲景亦有不可下。當於寒溼中求之之說。若瘀熱在裏。亦有用麻黃連翹赤小豆湯發汗利水之劑者。方見傷寒論。

去黃蘗梔子加酒浸大黃名三黃瀉心湯金匱治

心下痞熱心氣不足吐血衄血或問心氣不足而吐衄何以不

補心而反瀉心。丹溪曰。少陰不足。亢陽無輔。致陰血妄行。故用大黃瀉其亢甚之火。又心木不足。肺肝各受火邪而病作。故用黃芩救肺。黃連救肝。肺者陰之主。肝者心之母。血之舍也。肺肝火退。則血歸經而自安矣。寇宗奭曰。以苦泄其熱。就以苦補其心。蓋一舉而兩得之。吳鶴皋曰。治病必求其本。陽毒上竅出血。則熱為本。血為標。能去其熱。則血不治而自歸經矣。李士材曰。古人用大黃治虛勞吐血。意甚深微。蓋濁陰不降。則清陽不升。瘀血不去。則新血不生也。楊仁

齋曰血遇熱則宜疏故止血多用涼藥然亦有氣虛挾寒營氣虛散血亦錯行所謂陽虛陰必走是已法當溫中使血自歸經宜理中湯加木香七氣湯加川芎或甘草乾薑湯甚效又

大黃用酒浸蒸曬九次蜜丸名三黃丸治三焦

積熱頭項腫痛目赤口瘡心膈煩躁大便秘結

小便赤澀及消渴羸瘦

消渴羸瘦由於火炎水乾

附子瀉心湯

仲景

治傷寒心下痞而復惡寒汗出

者

傷寒心下滿鞭而痛者為結胸鞭滿而不痛者為痞經曰心下痞按之濡關上浮者大黃

黃連瀉心湯心下痞而復惡寒汗出者附子瀉

心湯大抵諸病皆熱故攻之多寒劑此加附子

恐三黃重損其陽非補虛也或下後復汗或下

後陽虛故惡寒汗出諸瀉心湯皆治傷寒痞

滿痛在心。胸不在胃也。若雜病痞滿。有寒熱虛熱之不同。保命集云。脾不能行氣於四臟。結而不散。則為痞。傷寒之痞。為寒鬱內熱。安苦泄。雜病之痞。為氣不條暢。宜辛散。

大黃二黃連

黃芩一附子

一枚炮去皮。臍別煮取汁。

吳鶴臯曰。心下痞。故用三黃以瀉痞。惡寒汗出。

故用附子以回陽。非三黃不能去痞。熱無附子。

恐三黃益損其陽。寒熱並用。斯為有制之兵矣。

喻嘉言曰。此邪熱既盛。真陽復虛之證。故於三黃湯內加附子汁。共成傾痞之功。全置有大黃。附子湯亦同此意。大黃細辛各二兩。附子一枚。炮治脇下偏痛。發熱。脈弦緊。此寒也。以溫藥下之。陽中有陰。當以溫藥下其寒。後人罕識其旨。有用寒藥而治熱痞。大黃黃連之類也。有陰

陽不和而痞。用寒熱藥者。大黃黃連加附子之類也。有陰盛陽虛而痞。用辛熱多而寒藥少者。半夏生薑甘草瀉心之類也。經又曰。傷寒。大下後。復發汗。心下痞。惡寒者。表未解也。當先解表。乃可攻痞。解表桂枝湯。攻裏大黃黃連瀉心湯。經又曰。本以下之。故心下痞。與瀉心湯。痞不解。口渴而煩躁。小便不利者。五苓散主之。此有停飲故也。李東垣曰。酒積雜病。下之太過。亦作痞。傷蓋下多。凶陰。陰者。脾胃水穀之陰也。胸中之氣。因虛下陷於心之分野。故致心下痞。宜升胃氣。以血藥兼之。若全用氣藥導之。則痞益甚。甚而復下之。氣愈下降。必變為中滿膨脹矣。

去附子黃芩名大黃黃連瀉心湯景仲治傷寒心

下痞按之濡音軟關上脈浮經口按之自濡但氣

痰飲結聚故無取半夏生薑也。活人云。結胸與痞關脈俱皆沉。若關脈浮而結者。三黃以瀉之。

李時珍曰仲景治心氣不足吐衄血者用瀉心湯實瀉心包肝脾胃四經血中之伏火也又治心下痞滿按之軟者用瀉心湯亦瀉脾胃之溼熱非瀉心也病發於陰而反下之則痞滿乃寒傷營血邪結上焦胃之上脘在心故曰瀉心經曰太陰所至為痞滿又曰濁氣在上則生膜脹是已病發於陽而反下之則結胸乃邪熱陷入血分亦在上脘故大陷胸湯丸皆用大黃亦瀉脾胃血分之邪而散其熱也若結胸在氣分只用小陷胸湯痞滿在氣分只用半夏瀉心湯按發陽發陰諸解不同終成疑案李氏則以寒傷為陰病熱陷為陽病然仲景所用皆寒藥未嘗有所分也周揚俊則謂總屬下早致然似為近理

半夏瀉心湯

景仲

治傷寒下之早胸滿而不痛者

為痞身寒而嘔飲食不下非柴胡證

經曰傷寒五六日嘔

而發熱。柴胡證具。而以他藥下之。柴胡證仍在。者。復與柴胡湯。此雖已下之。不為逆。必蒸蒸而振。卻發熱汗出而解。若心下滿而鞭痛者。此為結胸也。大陷胸湯主之。若滿而不痛者。此為痞。柴胡不中與也。又半夏瀉心湯。凡用瀉心者。皆屬誤下之證。非傳經熱邪也。

半夏

升半

黃連

兩一

黃芩

甘草

炙

人參

乾薑

三兩

大棗

十二枚

成氏曰。否而不泰為痞。苦先入心。瀉心者。必以苦。故以黃連為君。黃芩為臣。以降陽而升陰也。辛走氣。散痞者。必以辛。故以半夏乾薑為佐。以分陰而行陽也。欲通上下。交陰陽者。必和其中。

故以人參甘草大棗為使以補脾而和中

已下

脾氣則痞熱消而大汗以解矣

舊註云此方藥味蓋本理中

人參黃芩湯方王海藏曰外證全是下證而脈反細不可下者瀉心湯主之脈有力者黃連瀉心湯原以滌飲此證因嘔故挂半夏為君程郊倩曰痞雖虛邪然表氣入裏機鬱於心陽之分寒亦成熱矣寒已成熱則不能外出而熱非實樣又不能下行唯用苦寒從其部而瀉之仍慮下焦之陰邪上入兼苦熱以溫之陰陽兩解不攻痞而痞自散所以寒熱互用若陰痞不關陽鬱即鬱而未成熱祇是上下陰陽部分拒格而成瀉心之法槩不可用也又曰人皆曰汗多心陽不知下多亦心陽以心陰中之陽故曰心陰下焦之陽張虛氣必上逆則上焦之陽反因下而成實以火氣不下行故也活多瀉上補下心君

得苦寒而安。則反能從陽引之入陰。故李連柅
子。獨亦成補。若汗下相因。有虛無實。瀉補猶恐
不足。前法一
無所用矣。

除人參再加甘草

前一兩。谷前四兩。

名甘草瀉心湯。仲治

傷寒中風。醫反下之。下利。穀不化。腹中雷鳴。心

下痞。鞭而滿。乾嘔。心煩。醫復下之。其痞益甚。此

非結熱。但以胃虛客氣上逆。故使鞭也。

為下後裏虛胃

弱內損陰氣。故加甘草以和中益胃。復其陰。退虛熱。大要。痞滿下利者。為虛。使閉者。為實。按甘草甘。能令人滿。故中滿證。忌之。而別錄。乾薑。並云。消痞。豈非取其散滿哉。又按此。乃傷寒之下利。腸鳴也。雜證。腸鳴。亦多屬脾胃虛。經云。脾胃虛。

則腸鳴腹滿。又云。中氣不足。腸爲之苦鳴。宜參
木補劑。加甘草。芩連。枳實。乾薑等。丹溪曰。腹中
水鳴。乃火激動其水也。加生薑四兩。名生薑瀉
宜二陳湯。加芩連。梔子。治汗解後。胃中不和。心下痞。乾噫。同

心湯。治汗解後。胃中不和。心下痞。乾噫。同
食臭。完穀不化。脇下有水氣。腹中雷鳴。下利。客

上逆。伏飲搏膈。故痞。中氣不和。故乾噫。胃虛
火盛。邪熱不殺穀。故完穀不化。脇下有水氣。土
弱不能制水。故腹中雷鳴。下利。謂之協熱利。爲
汗後胃虛。外損陽氣。故加生薑以散邪。滌飲。益
胃復陽。劉河間曰。瀉而水穀變色者。爲熱。不變
色而澄徹清冷者。爲寒。若肛門燥滑。小便黃赤。
水穀雖不變。猶爲熱也。此因火性急速。食
下卽出。不及尅化。所謂邪熱不殺穀也。

白虎湯

仲景

治傷寒脈浮滑。表有熱裏有寒。浮爲

戎方切用

火

卷八下

白虎湯

八

滑為在裏。裏寒指傷寒。即病熱之本。因也。及三陽合病。脈浮大。腹滿

身重。難以轉側。口不仁。而面垢。讖語。遺尿。發汗

則讖語下之。則頭上生汗。手足逆冷。自汗出者。

腹滿身重。口不仁。讖語。陽明證也。面垢。少陽證也。遺尿。太陽證也。三證之中。陽明為多。屬表。裏

有邪。發表則燥熱益甚。故讖語。攻裏則陰氣下竭。而虛陽上脫。必額汗出。而手足逆冷。若自汗

出者。三陽熱甚也。與通治陽明病。脈洪大而長。此湯以解內外之熱。

不惡寒。反惡熱。頭痛。自汗。口渴。舌胎。目痛。鼻乾。

不得臥。心煩躁亂。口晡潮熱。或陽毒發斑。胃熱

諸病。邪熱盛。故脈洪大。外無寒邪。故不惡寒。反惡熱。中風有汗。傷寒無汗。傳入陽明。則有

注謂之熱越。故陽明病法多汗。裏熱故作渴。陽明主肌肉。故肌熱。脈交頰中。故目痛。脈俠鼻。金燥。故鼻乾。胃不和。故臥不安。人之陽氣晝日行陽二十五度。平旦屬少陽。日中屬太陽。日晡屬陽明。傷寒證中。日晡潮熱。為胃實。無虛證。胃熱失下。則發斑。

石膏一知母六甘草二粳米六先煮石膏數

十沸味淡難出再投藥米熟湯成溫服

熱淫於內以苦發之。故以知母苦寒為君。熱則傷氣。必以甘寒為助。故以石膏甘草為臣。津液內燥。故以粳米甘平益氣為使。不致傷胃也。又煩出於肺。躁出於腎。石膏清肺而瀉胃火。知母

清肺而瀉腎火甘草和中而瀉心脾之火或瀉

其子肺或瀉其母心不韻治陽明氣分熱也石膏

甘草不但清裏兼能發表然必實熱方可用或有血虛身熱脾虛發熱及陰盛格陽面赤煩躁類白虎湯證誤投之不可救也按白虎證脈洪大有力類白虎證脈大而虛以此為辨又按陰盛格陽陽盛格陰二證最為難辨蓋陰盛極而格陽於外外熱而內寒陽盛極而格陰於外外冷而內熱經所謂重陰必陽重陽必陰重寒則熱重熱則寒是也當於小便分之便清者外雖燥熱而中必寒便赤者外雖厥冷而內實熱再看口中燥潤及舌胎淺淡蓋舌為心苗應南方火邪在表則未生胎邪入裏津液搏結則生胎而清陰白者丹田有熱胸中有寒邪在半表半裏也熱入瀉瀉則燥而澀熱聚於胃則黃安承氣瀉白虎若熱病口乾舌黑乃腎水刑於心火

熱益淡而病篤矣。然亦有胎黑屬寒者。舌無因刺。口有津液也。又當用溫補之劑。尤宜細辨。東垣曰。邪在陽明。肺受火尅。故用辛寒。以清肺所。以有白虎之名。白虎。西方金神也。吳鶴臯曰。如秋金之令。行則夏火之炎退。成氏曰。立秋後不可服。爲大寒之劑。易老曰。有是病。則投是藥。苟拘於時。何以措手。若以白虎爲大寒。承氣又何以行於冬。令乎。太陽發熱而渴。忌白虎。表未解也。陽明汗多而渴。忌五苓。豬苓。津液大耗也。

加人參三兩名人參白虎湯

仲景

治傷寒渴欲飲

水無表證者

白虎解熱。人參生津。凡身發熱。爲熱在表。渴欲飲水。爲熱在裏。身熱

飲水。表裏俱有熱。身涼不渴。表裏俱無熱。欲飲水者。不可不與。不可過與。恣飲則有水結胸。心下悸。喘咳。噦噎。腫脹。亦治傷寒無大熱。口燥渴。瘥祕。下利。諸變證。

心煩背微惡寒者

背為陽。背惡寒。口中。和者。少陰病也。宜附子湯。今熱未退。

而微惡寒。為表未全罷。尚屬太陽。然燥渴。心煩。為裏熱已熾。與白虎湯解表邪。清裏熱。加人參補氣生津。太陽病在表。故惡寒。少陽在半表半裏。亦微惡寒。陽明在裏。故不惡寒。反惡熱。間有惡寒者。與太陽合病也。許叔微曰。仲景云。傷寒吐下後。七八日不解。表裏俱熱。大渴燥煩者。白虎加人參湯主之。又云。傷寒脈浮發熱無汗。其表不解。不可與白虎。林億校正。謂於此表裏差矣。予謂不然。大抵白虎能除傷寒中渴。表裏發熱。前後二證。或云表裏俱熱。或云表熱裏寒。皆可服之。一種發熱無汗。其表不解。亦治太陽。是麻黃與葛根證。安可行白虎也。

中暍身熱汗出惡寒足冷脈微而渴

身熱惡寒。為在表。足冷。為在裏。

脈微。又不可表。

亦治火傷肺胃傳為膈消

喻嘉言曰。肺消以地。

黃丸治其血分腎消以白虎湯治其氣分病不能除醫之罪也加蒼朮名白虎

加蒼朮湯治溼溫脈沉細者沉細屬溼先受暑後受溼暑溼相搏

名溼溫其證脛冷腹滿頭痛身痛多汗渴而譫語李東垣曰動而傷暑火熱傷氣辛苦之人多得之宜人參白虎湯靜而傷暑溼勝身重安樂之人多得之宜蒼朮白虎湯加桂枝

名桂枝白虎湯金匱治溫瘧但熱不寒骨節疼痛

時嘔除粳米加人參名化斑湯治胃熱發斑脈

虛者加柴胡黃芩半夏名柴胡石膏湯治暑嗽

喘渴

竹葉石膏湯仲景治傷寒解後虛羸少氣氣逆欲

吐

傷寒解後餘熱未盡津液不足故虛羸少氣虛熱上逆故欲吐

亦治傷暑發

渴脈虛

竹葉石膏

二把

石膏

一觔

人參

三兩

甘草

二兩

麥冬

一升

半夏

粳米

半升

加薑煎

竹葉石膏之辛寒以散餘熱

竹葉能止喘促氣逆上衝

人參

甘草麥冬粳米之甘平以益肺安胃補虛生津

半夏之辛溫以豁痰止嘔故去熱而不損其真

導逆而能益其氣也

又方竹葉石膏木通薄荷桔梗甘草亦名竹葉

外實經也
以實勝也
戊土用也

石膏湯治胃實火盛而作渴

土材曰陽明外實則用柴葛以解肌

陽明內實則用承氣以攻下此云胃實非有停滯但陽盛勝爾火旺則金囚故以竹葉瀉火以桔梗救金薄荷散火於上木通泄火於下甘草石膏直入戊土而清其中三焦火平則炎蒸退而津液生矣

白頭翁湯

仲景

治傷寒熱利下重欲飲水者

陽熱之利

與陰寒不同陰利宜理中四逆溫臟陽利糞色必焦黃熱臭便出作聲臍下必熱宜涼藥

白頭翁

二兩

秦皮

黃連

黃檗

三兩

白頭翁苦寒能入陽明血分而涼血止澀秦皮

苦寒性瀉能涼肝益腎而固下焦

瀉水色青故能入肝除熱

黃連涼心清肝。黃檗瀉火補水。竝能燥溼止利。

取其寒能勝熱。若能堅腎。潛能斷下也。徐忠可曰。此主

熱利。下重。蓋下陷則傷陰。陰傷則血熱。雖後重而不用調氣之藥。病不在氣。爾周揚俊曰。邪傳

厥陰。少陽其表也。臟腑相連。於法禁下。故但謀去其熱。熱除而利自止矣。

甘桔湯金匱名桔梗湯

治少陰咽痛。喉痺。肺癰。吐膿。乾

咳。無痰。火鬱在肺。手少陰心脈挾咽。足少陰腎

陰一陽結。謂之喉痺。一陰少陰君火。一陽少陽

相火也。金匱云。熱之所過。血爲之凝滯。畜結癰

膿。吐如米粥。始萌可救。膿成難治。火鬱在肺。則乾咳無痰。

甘草二兩 桔梗一兩

或等分。王好古加減法。失音。

加訶子聲不出加半夏上氣加陳皮涎嗽加知
母貝母欬渴加五味酒毒加葛根少氣加人參
嘔加半夏生薑吐膿血加紫苑肺痿加阿膠胸
膈不利加枳殼痞滿加枳實目赤加梔子大黃
面腫加茯苓膚痛加黃耆發斑加荊芥防風痰
毒加牛蒡子大黃不得眠加梔子

甘草甘平解毒而瀉火桔梗苦辛清肺而利膈
又能開提氣血表散寒邪排膿血而補內漏故
治咽痛喉痺肺癰咳嗽取其辛苦散寒甘平除

熱也

金匱曰咳而胸滿振寒咽乾不渴時出濁唾腥臭爲肺癰此湯主之。喻嘉言曰此上

提之法乘其新起提其敗血或從唾出或從便

出是以殺其毒此因胸滿振寒不渴病尙在表

用此開提肺氣若勢已入裏又當引之從胃入

腸此法不中用矣綱目曰喉痺惡寒爲寒閉於

外熱鬱於內忌用膽礬等劑點喉使陽鬱不得

伸又忌硝黃等寒劑下之使陽邪陷裏宜用表

藥提其氣升以助陽也。如不惡寒脈滑實者又

常用寒劑下之酸劑收之也。外臺祕要曰五

臟之尊心雖爲王而肺居其上肺爲華蓋下覆

四臟合天之德通達風氣性愛溫而惡寒。心火

更炎上蒸其肺金被火傷則葉萎倚着於肝肝

發癢則嗽因心肝虛弱不能傳陽於下焦遂至

正陽俱蹙變成嗽矣肺主皮毛遇寒則慄而栗

起肺嗽因痰倚着於肝而成病由本能扣金與

鳴也先養肺抑心肝

虛熱和其腎則愈矣

除桔梗名甘草湯置金治同加防風名甘桔防風

湯治同加防風荆芥連翹名如聖湯宋仁治上

焦風熱加訶子和童便服名訶子清音湯治中

風不語肺屬金主音金空則有聲風痰壅塞則不能言訶子斂肺清痰散逆破結桔梗

以利肺氣甘草和元氣童便降火潤肺或加木通

脈連于本手少陰心別脈繫舌本三經虛則痰

涎塞其脈道舌不轉運而不能言或三脈亡血

而咽喉聲音如故喉瘖者勞嗽失音之類而舌

本則能轉運言語也除甘草加枳殼名枳桔湯治胸中痞

塞噫氣吐酸或欬枳殼桔梗苦下氣而散痞寒

發汗反下之遂成痞枳實理中丸最良審知是痞先用枳桔湯尤妙緣桔梗枳殼行氣下膈也

加連翹薄荷竹葉梔子黃芩名桔梗湯治上焦

壅熱喉痺熱腫又方桔梗桑皮貝母瓜蒌當歸

枳殼苡仁防已一作防風黃耆七分杏仁百合甘

草各三分加薑煎亦名桔梗湯濟生治肺癰吐膿噎

乾多渴

保陰煎治男婦帶濁遺淋色赤帶血脈滑多熱

便血不止及血崩血淋或經期太蚤凡一切陰

虛內熱動血等證

生地 熟地 芍藥 錢二 山藥 川續斷 黃芩

黃檗

半錢

生甘草

錢一

如小水多熱或兼怒火

動血者加焦梔子一二錢 如夜熱身熱加地

骨皮一錢五分 如肺熱多汗者加麥冬地骨

皮血熱甚者加黃連一錢五分 如血虛血滯

筋骨腫痛者加當歸二三錢 如氣滯而痛者

去熟地加青皮陳皮丹皮香附之屬 如血脫

血滑及便血久不止者加地榆一二錢或烏梅

一二個或百藥煎一二錢文蛤亦可 如少年

或氣血正盛者不必用熟地山藥如肢節筋

骨疼痛或腫者加秦艽丹皮各一二錢

滋腎丸

又名通關丸東垣

治下焦邪熱口不渴而小便

祕及腎虛蒸熱腳膝無力陰痿陰汗衝脈上衝

而喘

腎中有水有火水不足則火獨治故虛熱

痿陰汗衝脈起於二陰之交直衝而上至膈水不制火故氣逆上而喘

黃蘗

二兩酒炒知母一兩酒炒桂一錢

蜜丸

小便者足太陽膀胱所主生於肺金肺中伏熱

水不能生是絕小便之源也渴而小便不通者

淡滲之藥
若二苓澤
瀉理珀豈
心木通車
前驅麥為
黃之類皆
能清金瀉
火。

肺氣不得降是也故用清燥金之正化氣薄淡
滲之藥瀉火而清肺滋水之化源也若熱在下
焦而不渴是絕其流而溺不泄也須用氣味俱
厚陰中之陰藥治之。王善夫病小便不通漸成
中滿腹堅如石腿裂出水
夜不得眠不能飲食東垣診治歸而至旦不寐
因記素問曰無陽則陰無以生無陰則陽無以
化又云膀胱者州都之官津液藏焉氣化則能
出矣此病癰祕是無陰則陽無以化也此因膏
梁積熱損傷腎水火又逆上而為嘔噦內關外
格之證悉具死在旦夕矣遂處北方大苦寒之
劑黃檗知母各一兩桂一錢為引須臾前陰如
刀刺火燒溺如瀑泉腫脹遂消此證一在上焦
氣分而渴一在下焦血分而不渴二者之殊至
易辨爾又曰凡病在下焦皆不渴血中有溼故

不渴也。若膀胱陽虛陰無以化又當用八味
腎氣丸按消渴證以渴為主而分氣血故血分
亦有渴者淋證以淋為主而分氣血故血分
分氣血故血分亦有不渴者。

去桂名療腎滋本丸治腎虛目昏去桂加黃連

名黃藥滋腎丸治上熱下冷陽極似陰水衰心煩單

黃藥一味名大補丸治腎虛膀胱虛熱腰股痛

而足心熱爲末薑汁酒調服名潛行散治痛風

腰以下溼熱流注

升陽散火湯

東垣

治肌熱表熱四肢發熱骨髓中

熱熱如火燎捫之烙手此病多因血虛得之及

胃虛過食冷物抑遏陽氣於脾土竝宜服此

柴胡

八錢半防風

二錢葛根

升麻

羌活

獨活

人參

白芍

五錢

炙甘草

三錢

生甘草

二錢

每服

五錢加薑棗煎

柴胡以發少陽之火爲君升葛以發陽明之火羌活以發太陽之火獨活以發少陰之火爲臣此皆味薄氣輕上行之藥所以升舉其陽使三焦暢遂而火邪皆散矣人參甘草益脾土而瀉熱芍藥瀉脾火而斂陰且酸斂甘緩散中有收

不致有損陰氣爲佐使也

吳鶴臯曰經曰少火生氣天非此火不能

生物人非此火不能有生揚之則光過之則滅今爲飲食抑遏則生道幾乎息矣使清陽出上竅則濁陰自歸下竅而飲食傳化無抑遏之患矣東垣聖於脾胃治之必主升陽俗醫知降而不知升是撲其少火也安望其衛生耶又曰古人用辛散每佐以酸收故桂枝湯中亦用芍藥猶兵家之節制也

除人參獨活加葱白名火鬱湯治同

火鬱者內熱外寒脈

沉而數火鬱無痰故外寒沉爲在裏沉而數知爲內熱也

陶節菴升陽散火湯人參白朮茯苓甘草陳皮
麥冬當歸芍藥柴胡黃芩加薑棗金器煎治傷

寒又手冒心尋衣摸牀譫語昏沉不省人事節菴

日俗醫不識誤認風證不知此乃肝熱乘肺元氣虛衰不能主持名撮空證小便利者可治有痰加薑炒半夏大便秘實譫語發渴加大黃泄瀉加白朮升麻陽虛故又手自冒其心熱昏其神故尋衣摸牀小便利則肺氣猶降膀胱猶能化氣而腎水未枯故可治。

抽薪飲 治諸凡火盛而不宜補者

黃芩 石斛 木通 梔子炒 黃檗五錢 枳殼錢半

細甘草分三 煎成食遠溫服 如熱在經絡肌

膚者加連翹天花粉以解之 熱在血分大小

腸者加槐蕊黃連以清之 熱在陽明頭面或

躁煩便熱者加生石膏以降之。熱在下焦小
水痛澀者加草龍膽車前以利之。熱在陰分
津液不至者加麥冬生地芍藥之類以滋之。
熱在腸胃實結者加大黃芒硝以通之。

徒薪飲

治三焦氣火一切內熱漸覺而未甚者

先宜清以此劑其甚者宜抽薪飲

黃芩

二錢麥冬

芍藥

黃蘗

茯苓

丹皮

半錢

陳皮

八分

如多鬱氣逆傷肝脇肋疼痛或致動

血者加青皮梔子

龍膽瀉肝湯

局方

治肝膽經實火溼熱脇痛耳聾

膽溢口苦筋痿陰汗陰腫陰痛白濁溲血

肝膽者

之部也。火盛故作痛。膽脈絡於耳故聾。肝者將軍之官也。謀慮出焉。膽者中正之官也。決斷出焉。膽虛數謀慮而不決。膽氣上溢故口為之苦。肝主筋。溼熱勝故筋痿。肝脈絡於陰器故或汗或腫或痛。白濁溲血皆肝火也。

龍膽草酒炒黃芩炒梔子酒炒澤瀉木通車前

子當歸酒洗生地黃酒炒柴胡生甘草

龍膽瀉厥陰之熱肝柴胡平少陽之熱膽黃芩

梔子清肺與三焦之熱以佐之澤瀉瀉腎經之

澤木通車前瀉小腸膀胱之溼以佐之然皆苦寒下泄之藥故用歸地以養血而補肝用甘草以緩中而不使傷胃為臣使也

東垣無黃芩梔子甘草亦名龍膽瀉肝湯治前

陰熱癢臊臭

此因飲酒風溼熱合於下焦為邪厥陰肝脈絡於陰器柴胡入肝為

引澤瀉車前木通利小便亦除臊氣所謂在下者因而竭之生地龍膽苦寒以瀉溼熱肝主血當歸以滋肝一方除當歸生地木通澤瀉車前

血不足也

加人參五味天冬麥冬黃連知母亦名龍膽瀉肝湯治筋痿攣急口苦爪枯亦治前證

加人參者其主

所以抑木。用二冬五味者。清金。亦以平木。假燥所以養筋。用黃連。知母者。上以瀉心火。下以瀉腎火。一為肝。子一為肝。母也。

清流飲 治陰虛按熱瀉利或喜冷或發熱或下

純紅鮮血或小便赤痛等證

生地黃 芍藥 茯苓 澤瀉 當歸 黃

芩 黃連 五分 枳殼 甘草 錢一 如熱甚者加

黃蘗 小便熱痛者加梔子 燥渴者加花粉

麥冬

當歸龍薈丸 宜 治一切肝膽之火神志不寧驚

戎方切用 以 卷八 七 七

悸搖振躁擾往越頭運目眩耳鳴耳聾胸膈痞

塞咽嗌不利腸胃燥澀兩脇痛引少腹肝移熱

於肺而咳嗽驚狂皆屬肝火。主筋主怒主驚。故搖振

於耳二經火盛故目眩耳聾心虛故咽嗌不利兩脇少

腹皆肝膽經所循故相引而痛五臟六腑皆

有移然必傳以與肺肝之移邪則為肝移亦

治盜汗盜汗屬熱此與當

當歸酒洗龍膽草酒洗梔子炒黃連炒黃檗炒黃芩

兩炒一大黃酒浸青黛飛蘆薈錢五木香錢二麝香分五
蜜丸薑湯下

肝木爲生火之本。肝火盛則諸經之火相因而起。爲病不止一端矣。故以龍膽青黛直入本經而折之。而以大黃芩連梔檳通平上下三焦之火也。蘆薈大苦大寒。氣燥入肝。能引諸藥同入厥陰。先平其甚者。而諸經之火無不漸平矣。諸藥苦寒已甚。當歸辛溫。能入厥陰和血而補陰。故以爲君。少加木香麝香者。取其行氣通竅也。然非實火不可輕投。

化陰煎 治水虧陰涸陽火有餘小便癰閉淋濁

疼痛等證

生地 熟地 牛膝 豬苓 澤瀉 生黃蘗

生知母錢二 綠豆錢三 龍膽草錢一 車前子錢一

加食鹽少許 若水虧居多而陰氣大有不足

者可遞加熟地用至一二兩亦可

瀉青丸錢乙 治肝火鬱熱不能安臥多驚多怒筋

痿不起目赤腫痛肝屬風木木盛生火故發熱

在肉之下骨之上為肝熱肝膽之經行於兩脇

風火干之故臥不安肝在志為怒故多怒肝虛

痿目為肝家熱發於目故腫痛

方見卷六上祛風門

肝者將軍之官風淫火熾不易平也龍膽大黃
苦寒味厚沉陰下行直入厥陰而散瀉之所以
抑其怒而折之使下也羌活氣雄防風善散竝
能搜肝風而散肝火所以從其性而升之於上
也少陽火鬱多煩躁梔子能散三焦鬱火而使
邪從小便下行少陽火實多頭痛目赤川芎能
上行頭目而逐風邪且川芎當歸皆血分之藥
能養肝血而潤肝燥

血虛故肝燥肝燥肝又皆血中燥故多怒多驚

氣藥辛能散而溫能和一瀉一散一補同爲平

肝之劑故曰瀉青然必壯實之人方可施用

余子

容曰持醫多執肝常有餘之說舉手便云平肝按聖濟經云原四時之所化始於木究十二經之所養始於春女子受娠一月是厥陰肝經養之肝者乃春陽發動之始萬物生之化之源故戒怒養陽使先天之氣相生於無窮是攝生之切要也不可泥於此說內經六節臟象論曰所謂得五行時之勝各以氣命其臟求其勝也皆歸始春蓋春屬肝木乃吾身升生之氣此氣若有不充則四臟何所稟承如春無所生則夏長秋收冬藏者何物乎五行之中唯木有發榮暢茂之象花葉蓊蔥艷麗而可愛結菓成實食之以全生皆此木也使入地而無木則世界黯淡無色矣由是言之培之養之信恐不暇而尙欲剪之伐之乎外臺秘要曰五行五臟皆互相生肝

雖處中而為臟首位在甲乙懷養懷仁故
應春而王也為心之母餘臟循次而生焉

人參瀉肺湯

治肺經積熱上喘欬嗽胸膈脹滿

痰多大便澀

人參

黃芩

梔子仁

枳殼

薄荷

甘草

連翹

杏仁

去皮尖

桑白皮

大黃

桔梗

按人參肺熱反能傷肺此清肺經積熱以人參
瀉肺立名可見瀉其肺熱必不可傷其肺氣也
況人參之溫以一味清涼監之有餘如此大隊
寒下之藥不推之為君其敢用乎

方
卷之七
瀉白散

錢乙

治肺火皮膚蒸熱

肺主皮毛輕按即得重按全無是熱

在皮

毛

灑淅

寒熱

邪在

皮膚

日晡尤甚

申酉時燥金

正旺之時

喘

嗽氣急

肺氣上逆

桑白皮

地骨皮

甘草

錢一分

粳米

百粒

桑白皮甘辛而寒行水降火瀉肺氣之有餘除

痰止嗽能利二便而療熱渴地骨皮寒瀉肺中

之伏火淡泄肝腎之虛熱涼血退蒸甘草瀉火

而益脾粳米清肺而補胃並能瀉熱從小便出

肺主西方故曰瀉白

時珍曰此瀉肺諸方之準也瀉白散瀉肺氣分之

火黃芩一物湯丹溪清金丸瀉肺金血
分之火清金丸即黃芩炒為末水丸

加人參五味茯苓青皮陳皮名加減瀉白散京垣

治咳嗽喘急嘔吐加知母黃芩桔梗青皮陳皮

亦名加減瀉白散寶鑑治咳而氣喘煩熱口渴胸

膈不利除甘草粳米加黃芩知母麥冬五味桔

梗亦名加減瀉白散羅謙甫治過飲傷肺氣出腥

臭唾涕稠黏隘喉不利口苦乾燥原文云桑皮地骨味苦微

寒降肺中伏火而止嗽為君黃芩知母苦寒治

氣出腥臭清肺利氣為臣五味酸溫以收肺氣

麥冬苦寒治唾涕稠黏口苦乾燥為佐

桔梗辛溫輕浮治痰逆利咽膈為使也

利膈散 治脾肺大熱虛煩上壅咽喉生瘡

鷄蘇葉 荊芥穗 防風 桔梗 牛蒡子

人參 甘草 等分爲末每服二錢不拘時沸

湯點服咽喉口瘡甚加殭蠶

按此方清上焦熱全用辛涼輕清之氣不雜苦寒降下之味其見甚超較涼膈散諸方爲更勝化肝煎 治怒氣傷肝而因氣逆動火致爲煩熱脇痛動血等證

青皮 陳皮 白芍 二錢 澤瀉 如血見下部者 梔

子炒丹皮五錢土貝母二錢如大便下血者

加地榆小便下血者加木通各一錢五分如

兼寒熱者加柴胡一錢如火盛加黃芩一二

錢如脇腹痛脹加白芥子一錢脹滯多者

勿用芍藥

導赤散錢治小腸有火便赤淋痛面赤狂躁口

糜舌痛齧牙口渴心與小腸相表裏心熱則小

火是五臟六腑火之主故諸經之熱皆應於心

面赤煩躁齧牙口渴皆心熱也舌為心苗若心

火上炎薰蒸於口則口糜口瘡輕手按至皮毛

表方切月火

心熱。心火亢甚。小腸鬱結不能通利者。此方主之。如治白濁沙淋等證。合追遙散。

生地黃 木通 甘草梢 淡竹葉

生地涼心血。竹葉清心氣。故清上焦。木通降心

火入小腸。同所用各別。君心火也。相火也。相火雖

稍達莖中而止痛。便赤。以其導丙丁之火。由小

水而出也。釜底抽薪之義也。易老用導赤散。合

五苓散。治口糜神效。經曰。膀胱移熱於小腸。膈

腸不便。上為口糜。亦有附子理中湯者。因脾

胃虛衰之火。被遏上炎。故用參朮甘草補其主

心氣熱。則上竅宜導赤散。腎氣虛。則下竅宜地黃丸。

天門冬散

治肺壅腦熱鼻乾大便秘瀉

天門冬

去心皮

桑白皮

升麻

大黃

枳殼

炒

甘草

荆芥

按此方藥味較人參瀉肺湯為少減然用升麻且升且降以散上焦壅熱可取

清胃散

東垣

治胃有積熱上下牙痛牽引頭腦滿

面發熱其牙喜寒惡熱或牙齦潰爛或牙宣出

血或唇口頰腮腫痛

足陽明胃脈循鼻外入上齒中俠口環唇循頰車上

耳前主上牙齦喜寒飲而惡熱手陽明大腸脈上頸貫頰入下齒俠口主下牙齦喜熱飲而惡

寒是陽明別絡絡腦故腦痛陽明之脈營於面故面熱二經熱盛故唇口齒頰病面腫痛也齒為骨屬腎牙宣牙齦出血或齒縫出血也亦名齒衄乃腎病若血多而湧出不止為陽明熱盛以陽明多氣多血也唇屬脾胃大腸經燥則乾熱則裂風則瞶寒則揭若腫皴裂如蠶繭名曰繭唇唇舌者肌肉之本也人中平滿者為唇反唇反肉先死

生地黃 牡丹皮 黃連 當歸 升麻 一

方加石膏

黃連瀉心火亦瀉脾火脾為心子而與胃相表裏者也當歸和血生地丹皮涼血以養陰而退陽也石膏瀉陽明之大熱升麻升陽明之清陽

清升熱降則腫消而痛止矣

薛新甫曰溼熱生

輕者清胃散大腸熱而齧腫痛者清胃散甚者調胃湯六鬱面痛者越鞠丸中氣虛而痛者補中益氣湯思慮傷脾而痛者歸脾湯腎經虛熱而痛者六味丸腎經虛寒而痛者還少丹重則八味丸其屬風熱者獨活散茵陳散風寒入腦者羌活附子湯當臨時制宜附獨活散獨活羌活川芎防風各五錢細辛荊芥薄荷生地各二錢每服三錢

玉女煎

治水虧火勝六脈浮洪滑大少陰不足

陽明有餘煩熱乾渴頭痛牙疼失血等證其効

如神若大便溏泄者大非所宜

生石膏

錢三五

熟地

錢三五或一兩

麥冬

錢二

知母

牛膝

一錢五分 如火之盛極者再加梔子地骨皮之屬

亦可 如多汗多渴者加五味子十四粒 如

小水不利或火不能降者加澤瀉一錢五分或

茯苓亦可 如金水俱虧因精損氣者加人參

二三錢尤妙

瀉黃散 治脾胃伏火口燥唇乾口瘡口臭煩渴

易饑熱在肌肉口為脾竅唇者脾之外候口燥唇乾口瘡口臭皆屬脾火脾熱

故煩熱易饑病名中消脾主肌肉故熱在肉分

輕按重按皆不熱不輕不重乃得之遇夜尤甚者為脾熱實熱宜此湯及調胃承氣虛熱宜補中益氣湯按面上熱身前熱一身盡熱狂而

妄言妄見皆足陽明肩背熱及足外廉脰踝後
熱皆足太陽口熱舌乾中熱而喘足下熱而痛
皆足少陰肩膊上熱項似拔耳前熱若寒皆手太
陽身熱肩痛手少陰腕漸寒熱手太陰掌中熱
手太陰少陰厥陰熱而筋縱不收陰痿足陽明
厥陰又口胃居臍上胃熱則臍以上熱腸居臍
下腸熱則臍以下熱肝膽居脇肝膽熱則脇亦
熱肺居胸背肺熱則胸背亦熱腎居腰腎熱則
腰亦熱可類推也

防風

四兩

藿香

七錢

山梔

炒黑一兩

石膏

五錢

甘草

二兩

右

末微炒香酒調服

山梔清心肺之火使屈曲下行從小便出藿香
理脾肺之氣去上焦壅熱辟惡調中石膏大寒

月二十七日
瀉熱兼能解肌甘草甘平和中又能瀉火重用

防風者取其升浮能發脾中伏火又能於土中

瀉木也木盛尅土防風能散肝火吳鶴皋曰或問脾中伏火何以不用黃連余曰燥矣

又問既惡燥何以用防風余曰東垣有言防風乃風藥中潤劑也李東垣曰瀉黃散非瀉脾也

脾中瀉肺也實則瀉其子以脾為生肺之主源故用石膏梔子之類

錢乙瀉黃散白芷防風升麻枳殼黃芩錢半石斛

一錢二分半夏錢一甘草七分治同前證或唇口皸燥

裂脾乙華在唇動也風也皸裂火也白芷升麻皆陽明藥防風祛風而散脾火燥在口唇

故從其性而升發之也黃芩海中上之熱枳殼利中上之氣半夏能燥能潤發表開鬱石斛清

脾平胃退熱補虛甘草和脾兼能泄火亦火鬱發之之義也

地黃煎 治積熱

地黃汁

四升三合

茯神

知母

葳蕤

四兩

枯藁根

生薑汁

鮮地骨皮

生麥冬汁

白蜜

二升石

膏

八兩竹瀝

右㕮咀以水一斗零二升先煮諸藥取汁三升

去渣下竹瀝地黃麥冬汁緩火煎四五沸下蜜

薑汁微火煎至六升初服四合日三服夜一服

加至五七合四五月作散服之

按此方生津涼血制火徹熱兼擅其長再加入參乃治虛熱之聖方也

左金丸又名茱連丸治肝膽鬱火左脇作痛或胸脇

痛不可忍吞酸吐酸筋疝痞結酒溼發黃肝火盛則

脇痛吞酸吐酸亦由肝火上千肺胃從木之化故酸厥陰之脈絡陰器溼熱干之則成筋疝肝木過盛尅制脾土則成痞結亦治噤口痢湯藥入口即吐加糯

米一撮濃煎但得三匙下咽即不復吐矣

黃連六兩薑汁炒吳茱萸一兩鹽水泡水丸

肝實則作痛心者肝之子實則瀉其子故用黃

方溪之論
升未暢盡
總之此證
有熱有寒

連瀉心清火爲君使火不尅金金能制木則肝
平矣吳茱辛熱能入厥陰肝行氣解鬱又能引
熱下行故以爲反佐一寒一熱寒者正治熱者
從治以熱治熱從其性故能相濟以立功也肝
居於左肺居於右左金者謂使金令得行於左
而平肝也東垣曰病機云諸嘔吐酸皆屬於熱此上焦受外來客邪也以雜病論之
嘔吐酸水者甚則酸水浸其心次令牙酸不能
相對以大辛熱療之必減若病機作熱攻之誤
矣或問吞酸素問以爲熱東垣以爲寒何也丹
溪曰吐酸與吞酸不同吐酸吐出酸水如醋平
時津液隨上升之氣鬱而成積溼中生熱故隨
木化遂作酸味非熱而何其有鬱之久伏於腸

不可執

月十七日

卷二

三

胃之間。略不得上。噦不得下。肌表得風寒。則內熱愈鬱。而酸味刺心。肌表溫煖。腠理開發。或得香熱湯九。汁液得行。亦可暫解。非寒而何。素問言熱。言其本也。東垣言寒。言其末也。予嘗治吞酸。用黃連。吳茱萸。炒。隨時令。迭為佐使。蒼朮。茯苓。為輔。蒸餅為丸。吞之。仍教糲食。蔬菓自養。則病易安。戴氏曰。房勞腎虛之人。胸膈多有隱痛。此因腎虛。不能納氣。氣虛。不能生血。之故。氣與血。猶水也。盛。則流。暢。虛。則。未。有。不。滯。者。所以作痛。宜破故紙之類。補腎。芎歸之類。補血。若作尋常脇痛治。則殆矣。

加炒芩。蒼朮。陳皮。亦名茱連丸。治同。加芍藥等

分為丸。名戊己丸。治熱痢。熱瀉。熱瀉者。糞黃肌

已為脾土。加芍藥。戊己丸。治熱痢。熱瀉。也。戊為胃土。除吳茱萸。加附子一兩。名

肝瀉水。便不尅脾土。

連附六一湯治胃脘痛寒因熱用也用黃連一
味吳茱萸浸一宿爲丸名抑青丸大瀉肝火治
左脇作痛單黃連煎服名瀉心湯治心熱

約陰丸 治婦人血海有熱經脈先期及過多者

或兼腎火而帶濁不止及男婦大腸血熱便紅

等證

當歸

白朮

炒

白芍

酒炒

生地

茯苓

地榆

黃芩

白石脂

醋煨

北五味

丹皮

續斷

續斷

等分爲細末煉蜜丸服

火盛者加黃連

兼

肝腎之火盛者加知母黃蘗各等分 大腸血熱便紅者加黃連防風各等分

導赤各半湯

節菴

治傷寒後心下不硬腹中不滿

二便如常身無寒熱漸變神昏不語或睡中獨語目赤口乾不飲水與粥則嘔不與勿思形如

醉人名越經證

傷寒不鞭不滿二便如常病不

醉人此邪熱傳於手少陰心。心火上而逼肺也。邪熱入裏。故目赤舌乾。邪熱在陰。故不渴。此證

自足而傳手經。故曰越經。

黃連

黃芩

犀角

知母

山梔

滑石

麥冬 人參 甘草 茯神 加燈心 薑黃

陳來章曰。熱入心經。涼之以黃連。犀角。梔子。心熱上逼於肺。清之以黃芩。知母。麥冬。泄之以滑石。甘草。燈心者。欲使心肺之邪熱從小腸膀胱出也。故亦曰導赤。然邪之越經而傳于心者。以心神本不足也。故又加人參。茯神以補之。

消毒犀角飲 治大人小兒內蘊邪熱。痰涎壅甚。腮項結核。口舌生瘡。及遍生瘡癰。已潰未潰。並宜服之。

犀角

磨冲

防風

荆芥穗

錢一

鼠粘子

炒二錢

炙甘草

錢一

按此方顓清上焦蘊熱與利膈散略同彼可多服此可暫服爾

蓮子清心飲

局方

治憂思抑鬱發熱煩躁或酒色

過度火盛尅金口苦咽乾漸成消渴遺精淋濁

遇勞即發四肢倦怠五心煩熱夜靜晝甚及女

人崩帶

煩躁遺精淋濁者心虛而有熱也心火妄動不能下交于腎故元精失守也遇

勞即發為勞淋勞則動其心火也晝偏熱者陽虛也崩中由損傷衝任氣血俱虛經日陰虛陽

搏謂之崩由陰虛而陽搏之血得熱而妄行也
帶者病本於帶脈而得名赤屬血白屬氣由陰
虛陽竭營氣不升衛氣下陷
或溼痰溼熱蘊積而下流也

石蓮肉 人參 黃耆 茯苓 柴胡 錢黃芩

妙地骨皮 麥冬 車前子 甘草 錢二 空

心服

參耆甘草所以補陽虛而瀉火東垣曰參耆甘
草瀉火之聖藥

助氣化而達州都膀胱也氣
化則能出地骨退肝腎之虛

熱柴胡散肝膽之火邪黃芩麥冬清熱於心肺

上焦茯苓車前利溼於膀胱下部中以石蓮清

心火而交心腎則諸證悉退也

服蠶煎

此方性味極清極輕善入心肝二臟行

滯氣開鬱結通神明養正除邪大有奇效

生地 麥冬 白芍 石菖蒲 石斛 丹皮

茯神

二錢

陳皮

一錢

木通

知母

一錢五分

如痰勝

多鬱者加貝母二錢

痰盛兼火者加膽星一

錢五分

陽明火盛內熱狂叫者加石膏二三

錢

便結脹滿多熱者加元明粉二三錢調服

或漸加大黃亦可

氣虛神困者加人參隨空

普濟消毒飲

東垣

治大頭天行初覺憎寒體重次

傳頭面腫盛口不能開上喘咽喉不利口渴舌

燥俗云大頭天行親戚不相訪問染者多不救

稍緩翼日如故下之又緩終莫能愈漸至危篤

東垣視之日夫身半以上天之氣也身半以下

地之氣也此邪熱客於心肺之間上攻頭而為

腫盛以承氣瀉胃中之實熱是為誅伐無過病

以適至其所為故遂處此方全

活甚眾遂名普濟消毒飲子

黃芩酒炒黃連酒炒陳皮白去生甘草 元參 柴

胡 桔梗錢二連翹 板藍根 馬勃 鼠黏子

薄荷錢一僵蠶 升麻七分 為末湯調時時服

之或蜜拌爲丸。喻化一方無薄荷。有人參三錢。亦有加大黃治便秘者。或酒浸或煨用。

芩連苦寒瀉心肺之熱爲君。元參苦寒橘紅苦辛。甘草甘寒瀉火補氣爲臣。連翹薄荷鼠黏辛苦而不藍根甘寒馬勃殭蠶苦平。散腫消毒定喘爲佐。升麻柴胡苦平。行少陽陽明之陽氣。不得伸。桔梗辛溫爲舟楫。不令下行爲載也。此解

東垣而稍加刪潤然十書中無此方見於準繩

約營煎

治血熱便血無論脾胃大小腸膀胱等

證皆可用

生地 芍藥 續斷 地榆 黃芩 槐花

荊芥穗炒焦 烏梅一個 如火盛者加梔子黃連膽

星之屬 如氣虛者加人參白朮 如氣陷者

加升麻防風

紫雪方局 治內外煩熱不解狂易叫走發斑發黃

口瘡腳氣瘡毒蠱毒熱毒藥毒

黃金百兩 寒水石 石膏 滑石 磁石三觔水

去渣入後藥 升麻 元參觔 甘草炙半 犀角 羚羊

角 沉香

木香

丁香

一兩並搗到入前藥汁中煎去渣入後藥

朴硝

硝石

二觔提淨入前藥汁中微火煎不

後二

辰砂

研細

麝香當門子

一兩二錢研細入前藥拌勻

合成退火氣冷水調服每一二錢

本事方無

黃金

寒水石石膏滑石硝石以瀉諸經之火而兼利

水為君磁石元參以滋肺腎為臣犀角羚羊角以

清心寧肝升麻甘草以升陽解毒沉香丁香木

香以溫胃調氣麝香以透骨通竅丹砂黃金以

鎮驚安魂瀉心肝之熱爲佐使諸藥用氣硝獨用質者以其水鹵結成性峻而易消以瀉火而散結也

碧雪 治一切積熱咽喉口舌生瘡心中煩躁嘔

物妨悶致咽閉壅塞及天行時熱發狂昏憤

芒硝 朴硝 硝石 馬牙硝 青黛 石膏

寒水石

研水飛

甘草

等分

將甘草煎湯二升去

渣入諸藥再煎用柳木棍不住手攪令消溶得所入青黛和勻傾入砂盆內候冷結凝成霜研

爲細末每用少許含化津嚥不拘時候如覺喉
壅閉塞不能吞物卽以小竹筒吹藥入喉中卽
愈

按此方做紫雪之制而不用黃金犀玢等貴重
之藥亦爲簡便

人參清肌散

治午前潮熱氣虛無汗

熱發午前陽虛而陰

火乘之也。火燥熱鬱故無汗。經曰陽氣有餘爲身熱無汗。陰氣有餘爲多汗。身寒陰陽有餘則無汗而寒。按此有餘乃病邪有餘。陰陽和則無病。過中則皆病也。經又曰陽盛生外熱。陰盛生內寒。皆亢則爲害。非眞陰眞陽盛也。

人參 白朮 茯苓 甘草 炙 半夏 麴 當歸

赤芍藥 柴胡 乾葛 加薑棗煎

四君以補陽虛歸芍以調陰血半夏和胃而行

痰柴葛升陽而退熱蓋以甘溫瀉火 甘溫能除大熱 辛

溫活血 汗即血也 辛甘解肌 有汗宜實表此之無汗

與傷寒無汗不同故但解其肌熱而不必發出

其汗也

前藥各一兩加黃芩五錢每服三錢加薑棗煎

名人參散 許叔微 治邪熱客於經絡痰嗽煩熱頭

痛目昏盜汗倦怠一切血熱虛勞喻嘉言曰此邪熱淺在經

絡未深入臟腑雖用柴葛之輕全藉參朮之力

以達其邪又恐邪入痰厥用茯苓半夏兼動其

痰合之當歸赤芍黃芩併治其血中熱止用

三錢為劑蓋方成知約度敢用柴胡乾葛爾

白朮除溼湯

垣東

治午後發熱背惡風四肢沉困

小便色黃又治汗後發熱

午後發熱熱在陰分

腹為陰背惡寒者陽不得伸也脾主四肢四肢

沉困溼勝而脾不運也小便黃溼兼熱也汗後

而熱不退或陰虛或陽虛也

人參 赤茯苓 甘草 炙 柴胡 錢五 白朮 兩一 生地

黃 地骨皮 知母 澤瀉 錢七 每服五錢如

有刺痛加當歸七錢小便利減苓瀉一半

陽陷陰中熱在血分故以生地滋其少陰而以

知母地骨瀉血中之伏火也柴胡升陽以解其

肌陽陷陰中故以柴胡提出其陽苓瀉利溼兼清其熱參朮甘

草益氣助脾氣足陽升虛熱自退脾運而溼亦

除矣方名除溼而治在退熱從熱從溼中而下降也

石膏散

外臺

治勞熱骨蒸四肢微瘦有汗脈長者

此指勞熱因陽邪入裏傳為骨蒸令人先寒後熱漸成羸瘦者有汗胃實也脈長陽明證也

石膏研細每夕新汲水服方寸匕取熱退為度

石膏大寒質重能入裏降火味辛氣輕能透表

解肌雖寒而甘能緩脾火勞有實熱者非此不

為功故外臺祕要名醫錄皆載之

玄珠曰五行六氣水特其

一爾一水既虧豈能勝五火哉醫不知邪氣未除便用補劑邪氣得補便入經絡至死不悟夫

涼劑能清火養水熱劑能補火燥水理易明也勞為熱證明矣尚可補乎唯無熱無積之人脈

微無力方可補之必察其胃中及右腎二火俱虧後用補劑可也證治要訣云治虛勞獨用熱

藥者猶金中無水而進火也過用冷藥者猶金下無火而添水也非徒無益而又害之

玉泉散

亦名六一甘露散

治陽明內熱煩渴頭痛二便

祕結瘟疫斑黃及熱痰喘嗽等證

石膏

六兩生用粉甘草兩一

為細末每服一二三錢

新汲水或熱湯或人參湯調下或加硃砂三錢

此益元散之變方也其功倍之

清骨散

治骨蒸勞熱

火炎水虧其陰消燦故肌骨之間蒸蒸而熱也。東垣曰晝熱夜靜者是陽氣陷入陰中也。名曰熱入血室晝夜

俱熱者是重陽無陰也。當急瀉其陽。峻補其陰。晝病則在氣。夜病則在血。

銀柴胡

錢半

胡黃連

秦艽

龍甲

童便炙

地骨皮

青蒿

知母

錢一

炙甘草

五分

地骨胡連知母之苦寒能除陰分之熱而平之

於內柴胡秦艽青蒿之辛寒能除肝膽之熱而散之於表。鼈陰類而甲屬骨能引諸藥入骨而補陰。甘草甘平能和諸藥而退虛熱也。

二母散

治肺勞有熱不能服補氣之劑者

肺虛挾火

或咳嗽發熱陰虛已甚再服補陽之藥則火益亢而陰愈虧故有雖病虛勞不能服溫補藥者

知母

貝母

等分炒爲末

火旺燥金肺虛勞熱能受溫補者易治不能受溫補者難治故又設此法以滋陰用貝母化痰瀉肺火知母滋腎清肺金取其苦寒勝熱潤能

去燥也

元參升麻湯

治發斑咽痛

發斑者陽明胃熱也咽痛者太陰肺火也

元參

升麻

甘草

等分

升麻能入陽明升陽解毒元參能入太陰清金制火甘草甘平能散能和故可利咽散斑也

除元參加犀角射干黃芩人參名陽毒升麻湯治陽毒發斑頭項背痛狂躁罵詈咽腫吐血溫服取汗

消斑青黛飲

卷節

治傷寒熱邪傳裏裏實表虛陽

毒發斑

血熱不散蒸於皮膚則為斑形如錦紋紫黑者熱極而胃爛也多死此或因陽

證誤投熱藥或因下早表熱乘虛入胃或因下遲熱留胃中皆發斑。有陰證發斑者元氣大虛寒伏於下逼其無根失守之火上獨薰肺傳於皮膚淡紅而稀少也宜大建中湯誤投寒劑則死矣。

青黛

黃連

犀角

石膏

知母

元參

梔子

生地黃

柴胡

人參

甘草

加薑

棗煎入苦酒

醋也

一匙和服

發斑雖由胃熱亦諸經之火有以助之青黛黃連以清肝火梔子元參以清心肺之火知母生

地以清腎火犀角石膏以清胃火此皆大寒而
能解鬱熱之毒者引以柴胡使達肌表柴胡清少陽相
火使以薑棗以和營衛其用人參甘草者以和
胃也胃虛故熱毒乘虛入裏而發於肌肉也加
苦酒者其酸收之義乎

蒼耳散

無擇

治鼻淵

鼻流濁涕不止名鼻淵乃風熱燥腦而液外滲也經曰腦

滲為涕又曰腦移熱於腦則辛類鼻淵類即山根辛類疼痛也原病式曰如以火燥金熱極則反化為水肝熱甚則出泣心熱甚則出汗脾熱甚則出涎肺熱甚則出涕腎熱甚則出唾皆火熱盛極消燥以致之也

白芷兩一薄荷

辛夷錢五蒼耳子

炒二錢半

爲末食

前葱茶湯調下二錢

凡頭面之疾皆由清陽不升濁陰逆上所致白芷主手足陽明上行頭面通竅表汗除溼散風辛夷通九竅散風熱能助胃中清陽上行頭腦蒼耳疏風散溼上通腦頂外達皮膚薄荷泄肺疏肝清利頭目葱白升陽通氣茶清苦寒下行使清升濁降風熱散而腦液自寧矣

辛夷散

嚴氏

治鼻生癰肉氣息不通不聞香臭

鼻爲

肺竅氣清則鼻通氣熱則鼻塞。溼熱甚盛蒸於肺門則生瘰肉猶溼地得熱而生芝菌也。

辛夷 白芷 升麻 藁本 防風 川芎

細辛 木通 甘草 等分爲末每服三錢茶

調下外用燒礬爲末加硃砂少許吹鼻中能消之。

經曰天氣通於鼻若胃中無痰火積熱則平時上升皆清氣也由溼火內焚風寒外束氣血壅滯故鼻生瘰肉而窒塞不通也辛夷升麻白芷辛溫輕浮能升胃中清氣上行頭腦防風藁本辛溫雄壯亦能上入巔頂勝溼祛風細辛散熱

破結通精氣而利九竅。芳藟補肝潤燥散諸鬱而助清陽。此皆利竅升清散熱除溼之藥。木通通中茶清苦寒以下行瀉火。甘草和中又以緩其辛散也。時珍曰肺開竅於鼻陽明胃脈俠鼻上行腦爲元神之府鼻爲命門之竅人之中氣不足清陽不升則頭爲之傾九竅爲之不利。

玉屑無憂散

陳無擇

治纏喉風痺咽喉腫痛咽物

有碍或風涎壅滯口舌生瘡大人酒癰小兒爛癰及骨屑硬塞

元參

黃連

荊芥

貫衆

山荳根

茯苓

甘草 砂仁 滑石五錢 礞砂 寒水石三錢

為末每一錢先抄入口徐以清水嚥下

元參黃連寒水石清火貫衆山荳根解毒滑石

茯苓利水砂仁礞砂軟堅並能消骨哽 荊芥散結甘

草和中故能統治諸病也丹溪曰咽痛必用荊芥虛火上炎必用玄

參又有氣血大虛虛火游行無制客於咽喉遂成咽痛脈必浮大重取必瀉宜濃煎人參湯

細細呷之如用清降之藥立斃

腎熱湯金 治腎熱耳流膿血不聞人聲耳為腎竅舌為

心竅以舌非孔竅故心亦寄竅於耳十二經中除足太陽手厥陰其餘十經皆入絡耳中腎治

內之陰。心治外之陽。清淨精明之氣。上走空竅。而聽斯聰矣。若二經不調。陰陽不利。或煩勞陰虛。或衛氣不下。循經脈。或得於風邪。或經臟積熱。或大怒氣逆。或溼飲痞隔。或熱聚不散。流出膿血。或風熱搏結。成核塞耳。皆令暴聾。宜通耳調氣。安腎之劑。

慈石煨紅萍七次 牡蠣鹽水煮 白朮炒五兩 麥冬 芍

藥四兩 甘草兩一 生地黃汁 葱白升一大 棗十五枚

分三服

慈石體重辛鹹色黑補腎祛熱通耳明目故以爲君牡蠣鹹寒軟痰破結生地大寒瀉火滋腎麥冬甘寒補肺清金肺爲腎母又聲屬金王太僕曰肺虛則不離報息而

耳聾白芍酸寒平肝和血經曰肝病氣逆則耳聾

皆能生水而制火退熱而斂陰白朮甘草大

棗補脾之品益土氣正以制腎邪也土能防水經云頭痛

耳鳴腸胃之所生也仲景數者皆固本之藥使

精氣充足邪熱自退耳竅自通加葱白者以引

腎氣上通於耳也

綠豆飲 凡熱毒勞熱諸火熱極不能退者用此

最妙

用綠豆不拘多寡寬湯煮糜爛入鹽少許或蜜

亦可待氷冷或厚或稀或湯任意飲食之日或三四次不拘此物性非苦寒不傷脾氣且善於解毒除煩退熱止渴大利小水乃淺易中之最佳最捷者也若火盛口乾不宐厚但略煮半熟清湯冷飲之尤善除煩清熱

香連丸

直指

治脾胃兩經中溼火傳變大腸下痢

赤白膿血相雜裏急後重

溼熱之積。干於血分則赤。干於氣分則白。

赤白兼下者氣血俱病也。後重裏急者氣滯不通也。按裏急後重有因火熱者有因氣滯者有因積滯者有因氣虛者有因血虛者當審證論治。

黃連

二十兩吳茱萸十兩同炒去茱萸用

木香

四兩八錢不見火

醋糊

丸米飲下一方等分蜜丸一方加甘草八兩黃

連用蜜水拌蒸曬九次入木香爲丸

痢爲飲食不節寒暑所傷溼熱蒸鬱而成黃連
苦燥溼寒勝熱直折心脾之火故以爲君用吳
茱萸同炒者取其能利大腸壅氣且以殺大寒之
性也裏急由於氣滯木香辛行氣溫脾能通
利三焦泄肺以平肝使木邪不尅脾土氣行而
滯亦去也一寒一熱一陰一陽有相濟之妙經

所謂熱因寒用寒因熱用也

九絕非舊法雜用

消尅瀉下之藥人自為政亦名香連殺人如麻真可痛恨

加石蓮肉治噤口痢

石蓮清心火開胃口

加大黃治熱痢

積滯

大黃瀉胃熱蕩積滯

加訶子龍骨名黃連丸

宣明加吳

茱萸肉豆蔻烏梅湯丸竝治痢疾斷下

烏梅龍骨肉豆

蔻訶子皆瀉大腸

雪梨漿

解煩熱退陰火此生津止渴之妙方也

用清香甘美大梨削去皮用大碗盛清冷甘泉將梨薄切浸於水中少頃水必甘美但頻飲其

水勿食其渣退陰火極速也

大清飲 治胃火煩熱狂躁嘔吐等證可與白虎

湯出入酌用

知母

石斛

木通

一錢五分

石膏

生用三錢

或加

麥門冬

按人身熱病最多蓋素蘊之熱挾天時之熱而橫發爾是則胃氣清和遇暄熱而不覺其熱者乃爲平人迨至積熱既久然後治之已爲失算况於藥不對病乎所以肥人之病多因血肉過

盛而積飲食之熱瘦人之病多因津液素衰而
生火炎之熱治肥人之熱慮虛其陽治瘦人之
熱慮虛其陰未可執方妄施矣茲所錄以上諸
方各宜自爲推廣也